



UNIVERSITÄTS-
BIBLIOTHEK
PADERBORN

Universitätsbibliothek Paderborn

L. Annæi Senecæ Philosophi Opera, Qvæ Exstant Omnia

Seneca, Lucius Annaeus <Philosophus>

Antverpiæ, 1605

M. Antonii Mvreti Ad Librvm Sextvm Natvralivm Senecæ Qvæstionvm,
Notæ.

[urn:nbn:de:hbz:466:1-53700](https://nbn-resolving.org/urn:nbn:de:hbz:466:1-53700)

A modicum fuisse. Eleganter Lælius ille sapiens dicenti cuidam, Sexaginta annos habeo: Hos, inquit, dicis sexaginta, quos non habes? Ne ex hoc quidem intelligimus incomprehensibilis vitæ conditionem & sortem temporis semper alieni, quòd annos annumeramus omisso. Hoc affigamus animo, hoc nobis subinde dicamus: Moriendum est. Quando? Quid tuâ? Mors naturæ lex est, mors tributum officiumq; mortalium, malorumque omnium remedium est. Optabit illam, quisquis timet. Omnibus omissis, hoc vnum, Lucili, meditare, ne mortis nomen reformides: effice illam tibi cogitatione multâ familiarem: vt si ita tulerit, possis illi vel obuiam exire.

M. ANTONII MVRETI

AD LIBRVM SEXTVM

NATVRALIVM SENECAE

QVÆSTIONVM, NOTÆ.



AD CAP. I. 1. POMPEIOS.] Vix vlla res est, de quâ maiore contentione disputarint philosophi, quam de terra motu. De quo tamen nihil adhuc pro certo atque explorato statuere potuerunt. Videndus Aristoteles libro secundo meteorologicon, & qui in eum scripserunt: Plinius libri secundi cap. LXXIX. & deinceps Liber tertius de placitis philosophorum.

2. ET QVIDEM DIEBUS HIBERNIS.] Aristoteles quidem auctor est, vere & autumno sepius terram moueri: æstate & hieme rarius: sed tamen nullam esse anni partem ab hoc mali genere tutam, experimenta docuerunt.

3. SEXCENTARVM OVIVM GREGEM.] Hoc ex eo contigisse videri potest, quòd in terra motu tatti ac pestiferi halitus afflantur e terra: quorum noxia vis ad pecudes citissime ac facillimè peruenit: vt qua humi pascantur, neque ferè vniquam caput attollant. Sic Homerica pestis greges primum & armenta corripuit. Sed hoc Seneca ipse postea dicturus est.

AD CAP. XXI. 4. THERAM ET THERASIAM.] Locum hanc, qui etiam in vetustis libris musilus ac deprauatus est, ita legendum puto, Inter Theram & Therasiam, hanc nostræ ætatis insulam, &c. Plinius libro quarto: Thera, cum primum emerit, Calliste dicta: ex eâ auulsa postea Therasia, atque inter duas enata, mox Automate, eadem Hiera. & in nostro æuo Thia iuxta eandem Hieram nata. Vide eundem cap. LXXXVII. libri secundi.

AD CAP. XXIII. 5. HELICE BVRISQVE.] Vocatur & Bura. earum vnâ hiati terra absorptam, alteram vndis obrutam fuisse scribit Strabo libro 1. Vide eundem & libro octauo, & Pausaniam in Achaicis, & Plinium cap. XCI. libri secundi.

AD CAP. XXIV. 6. CEV CVM FRIGORE INHORRIMVS.] Lucretius,

Frigus vti nostros penitus cum venit in artus, Cœcutit, inuitos cogens tremere atq; mouere.

7. THVCYDIDES AIT.] Libro tertio. Atalanta autem insula est in Locris Opuntis.

8. IDEM SIDONI ACCIDISSE, POSIDONIO CREDE.] Hoc ipsum narrat, & auctorem eundem Posidonium laudat Strabo libro 1.

AD CAP. XXV. 9. CVM LABORAVIT ÆGIVM.] Verè & eruditè locum hunc emendauit Pincianus.

AD CAP. XXVI. 10. ÆGYPTVM NVM-QVAM TREMVISSE TRADVNT.] Aliam huius rei causam affert Plinius, cuius hæc verba sunt, cap. LXXX. libri secundi: Idèd Galliæ & Ægyptus minime quatuntur, quoniam hic ætatis causa obstat, illic hiemis.

11. SI HOMERO FIDES EST.] Hac de re Homeri versus sunt Odyssæ libro 14.

Νῆσος ἔστι τὰ τίς ἐστι πολυκλήσει ἐν πόντῳ, Ἀργύρης ποσειδάωνος. Φάρον δὲ ἐκκλητικῆς. Τόσον ἀνδρῶν τόσον τε παρνησίην γλαφυρὴ νῆος Ηῆσος, ἢ ληρὸς ἔργε ὀπίσθησιν ἔπιθεον.

12. ET DELOS, QVAM VIRGILIUS STARE IVSSIT.] Eleganter quod de Apolline Virgilius dixerat, id ad ipsum Virgilium transitulit.

13. CREDVLA NATIO.] Plerumque enim, non tam, verum sit aliquid, nec ne sit, quam posito verum esse, causas cur ita fiat, inquirunt.

14. AVCTORE PINDARO.] Locus Pindari apud Pindarum ipsum non exstat: sed citatur à Strabone libro decimo. Apud Callimachum quidem in hymno in Delum ita legitur:

Κῆλον δ' ἠμιόδοσ' αὐτῆς ἀρεσπός. Herodotus tremuisse ait Delon, quo tempore Dareus in Græciam exercitum duxit: cum prius oraculo ita responsum esset,

Quinetiam Delon, quamquam est immota, mouebo.

15. THVCYDIDES AIT.] Libro 11. ἐτι δὲ Δῆλος κινήθη, ἀλλ' ἄρα ἀπὸ τῆς τῶν πλοίων ἔπισηθῆσα, ἀφ' ἑλληνικῆς μέμνηται. Plinius lib. 1 v. Ipsa que longè clarissima, Cycladum media, templo Apollinis & mercatu celebrata Delos: quæ diu fluctuata, vt proditur, sola motum terræ non sensit ad M. Varronis ætatem. Mucianus prodidit bis concussam.